

楹聯叢話



舊籍

線

856.6

7646

4

v.3

楹聯叢話卷之九

福州梁章鉅輯

佳話

柳南隨筆云嚴恪字心堂文靖公之父也文靖公已晉尚書而封翁猶康健自書堂中一聯云
有子萬事足我子作尚書足而又足七十古來稀我年近大耋稀而又稀

松窗筆乘云尤悔菴伺著臨去秋波那一轉制義流傳 禁中

世祖知其為徐立齋業師因取觀之歎為真才子及官翰林嘗偕諸儒臣進平蜀詩文

聖祖見其名曰此老名士悔菴以此二語刻堂柱左曰

章皇天語右曰

今上玉音極文人之榮

王文成公之父海曰先生華官至南京吏部尚書致政時值文成公平宸濠先生自題書室一

聯云看兒曹整頓一作旋轉乾坤任老子婆婆風月如此福分如此襟期自當隻千古而無對我

朝桐城張文端公及見子文和公晉揆席自題門聯云綠水青山任一作讓老夫消磨一作遙歲月

紫袍金帶一作紫宸黃閣看吾兒燮理陰陽正襲海曰語按海曰語又似從謝太傅對客語中化來特

不如其蘊藉而張語則風味又減矣

無錫嵇文敏公

曾筠

及文恭公父子相繼為宰相門聯云主聖臣賢兩朝宏碩輔父先子後一

氣轉洪鈞桐城張文端文和亦父子宰相門聯云二世三公太平宰相一堂五代富貴神仙按

我朝韋平濟美者滿洲人為多惟尹文恪公尹泰尹文端公尹繼善慶文恪公慶桂三世蟬

聯為最盛漢人則山左劉文正公統勳文清公壻及嵇氏張氏皆以父子相繼此外無聞焉記

宋尤玘萬柳溪邊舊話載其家自文獻輝文簡表科名接武嘗築圃西湖度宗幸其堂御筆題

楹間一聯云五世三登宰輔奕朝累掌絲綸朝紳榮之知盛事亦自古所僅見矣

殷彥來譽慶贈王漁洋一聯云天下文章莫大乎是一時賢士皆從其游其時亦惟漁洋足以

當之聞錢名世初游京師除夕以聯送漁洋云尚書天北斗司冠魯東家由是知名後送權貴

句云分陝旌旗周太保從天鐘鼓漢將軍因之謫官

科第世家以江南為盛我朝溧陽史氏崑山徐氏兩家祠堂長聯熟在人口不但今世所稀

蓋自古亦少遇矣按史氏聯云祖孫父子兄弟叔姪四世翰苑蟬聯猶有舅甥翁壻子午卯酉

辰戌丑未八榜科名鼎盛又逢己亥寅申亥溧陽史氏自康熙丁未史鶴齡始入翰林至壬戌

其子史夔繼之庚辰其孫史貽直繼之乾隆乙丑其姪孫史貽謨繼之己酉其曾孫史奕簪繼

之此外則其壻金壇于小謝其甥于敏中丹徒任蘭枝陽湖管幹珍並前後為翰林世謂海內

無第二家也若次聯所云則史鶴齡為丁酉舉人丁未進士史夔為辛酉舉人壬戌進士史夔

之弟史普為己卯舉人庚辰進士史隨為戊子舉人己丑進士史貽直為己卯舉人庚辰進士
史貽謨為甲子舉人乙丑進士其弟史貽簡為癸卯舉人甲辰進士又史鶴齡之曾孫史奕簪
為己酉舉人戊辰進士史光啟為壬申舉人史應曜為丙午舉人八榜科名彬彬可考而合史
光啟之壬申計之實為九榜惟己亥寅三榜尚闕有問則末語又逢己亥寅申云云亦尚須細
考耳

崑山徐氏祠堂聯云教子有遺經詩書易春秋禮記傳家無別業解會狀榜眼探花按徐健菴

尚書乾學係順治甲午拔貢庚子舉人康熙庚戌探花徐果亭閣學秉義係康熙己酉舉人癸

丑會魁探花徐立齋相國元文係順治甲午經魁己亥狀元並無解元會元榜眼聯語亦不過

渾括言之然三兄弟並登鼎甲並列崇班不可謂非難能可貴耳至上聯所云語乃質實可風

健菴尚書著有讀禮通考果亭閣學著有經學識餘立齋相國著有舍經堂集而傳是樓藏書

之富甲於寰區教子遺經豈虛語哉

徐健菴先生以大司寇謝病歸

御書先談萬丈扁以寵其行時人贈聯云萬方玉帛朝東海一點丹誠向北辰

紀文達師曰先師介野園先生嘗四主會試四主鄉試其他雜試殆不可縷數嘗有 恩榮宴

詩云鸚鵡新班宴

御園推顏老鶴也乘軒龍津橋上黃金榜四見門生作狀元于文襄公贈以聯云天下文章同軌轍門牆桃李半公卿可謂儒者之至榮矣

溧陽史文靖公

貽直

七十壽辰獻聯者充門惟許刺史

佩璜

云三朝元老裴中令百歲詩篇衛

武公及袁簡齋先生云南宮六一先生座北面三千弟子行為公所許可

乾隆末漳浦蔡文恭公

予告歸里小住福州所主者為余戚黨家時余方韶稚嘗從人於屏

後竊覘之記得先資政公言有一客贈聯甚莊重切實句云主恩前後三旋里天語丁寧再入朝似是中朝達官所製彼時但能述其語而已不能舉其名矣

乾隆六十年中各直省奏報壽民壽婦五世同堂親見七代八代者屢見邸抄然未有如長洲蔣氏之盛者乾隆丙申春內閣中書應焜之祖文源年九十配張氏年八十九翰林院編修元益之祖文涵年八十九配顏氏年八十八俱五世同堂親見八代應焜元益同日給假回籍祝壽海內榮之時徐雨峰巡撫士林製聯稱祝云登甲登科七代兒孫繞膝難兄難弟九旬夫婦齊眉洵盛事也

嘗見劉文清公為紀文達師書聯云兩登耆宴今猶健五掌烏臺古所無蓋吾師自撰句也梁山舟學士贈聯云萬卷編成羣玉府一生修到大羅天

英煦齋師恩福堂筆記云先文莊公掌容臺者十二年與達香圃紀曉嵐劉青垣三宗伯同事

余於嘉慶庚申追隨三先生亦列春官迨癸酉重任時乃鐵冶亭王春圃兩先生為大宗伯秀楚翹胡西庚汪瑟菴為少宗伯鐵出王門胡汪秀三公及余前後皆出鐵門其時有春官六座六師生之諺因製聯留署句云典禮奉寅清粉署重來愧說箕裘延世業同堂聚師弟薪傳遞衍始知桃李屬春官按是年適為王春圃先生八十壽辰合署稱觴屬章鉅為儷體序文中有官分兩座座中以座主為尊賓列四門門下之門生疊至句時春圃哲嗣蓮甫先生亦繼為少宗伯每對同官亟誦之

恩福堂筆記又云曹文敏公

文埴

以右庶子視學江西適曹文恪公家居獻一聯曰韓愈官為

右庶子莊周篇有大宗師彭文勤公視學浙江時杭州守為邵公

齊熊

公贈聯曰杭州太守湖

山美康節先生安樂窩皆可云典切前輩於應酬文字不苟如此

梁文莊公

詩正

既相後嵇文恭公贈聯云秋圃黃花韓相國春風紅杏宋尚書臺閣頌揚語又

何其妍麗也

山左劉文清公在相位其太夫人九十壽辰

仁廟賜壽備極恩榮阮芸臺先生撰聯寄祝云

帝祝期頤卿士祝期頤合三朝之門下亦共祝期頤海內九旬真壽母夫為宰相哲嗣為宰相總百官之文孫又將為宰相江南八座太夫人蓋其時文清以兩江總督遙執相權而信芳先



生已官太宰也此與崑山徐氏溧陽史氏家祠中聯皆無第二家足以當之

直隸真定府試院後樓五楹合祀關帝文昌乾隆中吳白華先生省欽視學適奉

召回京代者即令弟稷堂先生在真定交替時白華先生撰一聯云文武一龕如在上弟兄同節此登高蓋恰值重九日可云巧合

慶蕉園宮保慶保為廣東將軍時王省厓尚書鼎贈聯云恩行韋平祖父子孫三宰相家傳忠

孝弟兄叔伯四將軍巨製鴻題足以稱其家乘

揚州高椿齡字擣友善易數雖至友不輕為卜詩文之格唐以下不屑仿也其弟子阮芸臺先生已貴未嘗通一札及先生視學山左禮請衡文乃往卒於青州嘗榜其齋云四方名士皆知已八座門生正少年

英齋師六十壽辰適近七夕有呈壽聯者最著稱人口而忘却何人所作句云四海仰雙星六秩衍大撓甲子二難躋八座九天錫媧氏笙簧時公子奎耀奎照皆躋貳卿內府錫樂部為壽云

阮芸臺先生五十歲時在漕帥任衍聖公孔治山先生贈以壽聯云鼎甲連科皆屬公門桃李下淮揚列郡更開軍府梓桑間蓋先生揚州人正漕帥轄下也

阮芸臺先生於道光十八年以大學士引年予告返居廣陵里第瀕行奉

恩諭有怡志林泉之語舉朝羨之潘芝軒相國贈聯云四海具瞻尊為山斗同朝欽羨望若神仙

吳興沈坳堂世祖由湖北方伯告歸其子希人學士官內閣亦請假歸省有同人以聯贈行云

鶴鳴在陰其子和鴻飛遵渚我公歸

朱建三生於七月七日所居之里名百花巷李笠翁壽以聯云七夕是生辰喜功名事業從心處處帶來天上巧百花為壽域羨玉樹芝蘭繞膝人人占却眼前春

笠翁五十歲生男自題楹聯志喜云一生好事無雙日百歲閒身得半時

康熙間有某相國家擅園林之勝相國亦雅有文望李笠翁贈之聯云朝罷獨行春踏去不知三徑遠公餘時讀史坐來便覺五雲多

李笠翁贈李坦菴相國聯云名世天生五百年為福黎民特使早居黃閣上元老人稱二十載宜增華髮誰知正在黑頭時蓋相國年未及三旬即登揆席也

李笠翁有壽方太夫人七十聯自為之序云夫人为何芝嶽相國之女方坦菴宮詹之配樓岡學士邵村侍御與三孰四世五孝廉暨謙六任子之母茹齋奉佛兼禮列仙句云出宰相之門入宮詹之室居學士侍御孝廉胄子之堂足不履民家戶闕者七十年於此繼麻姑之跡追王母之蹤證如來觀音文殊普賢之果口偏食人間烟火者八千歲猶然

又壽陳太夫人八十聯自為之序云此蕉鹿先生之母也時畫錦歸來專為稱觴一事太夫人七十時令子猶為外吏今則內擢司農矣句云踰古稀又十年喜當時令子高遷幾度錦衣歸閱閱去期頤尚廿載看後茲文孫繼起滿堂牙笏頌岡陵

梁文莊公乞假養親

賜萊衣畫永四字扁額又

賜詩云翻祝還朝晚卿家慶更深

天語肫摯如此可謂備極恩榮嵇文恭公贈聯云花宴瓊林溫仲舒由大魁秉政堂開畫錦王
文獻以宰相養親亦莊麗得體

無錫鄒小山宗伯 一桂 有門生某弟兄皆詞林二子並登甲科而其母則以側室受封者也七

十誕辰求公撰壽言公令諸門生擬之俱不稱意蓋不難於頌揚而難於得尊者之口氣也公
乃自撰聯句云有子有孫都成名進士多福多壽是謂太夫人於是執筆者咸歎服入張船山

太守 問陶 為吳穀人先生 錫麒 之太夫人撰壽聯云惟善人現壽者相有令子為天下師亦質

樸有味時先生方為國子祭酒也

隨園詩話補遺云乾隆庚寅余在杭州訪蔣蒼生太史聞寓湖州太守張公處即具名紙往投
蔣未見乃先有一莪冠者拱出心知是太守素無交而其意甚親未免愕然太守笑曰先生不

識我耶我早識先生並識先生之夫人貌作何狀令姊貌作何狀歷歷如繪余益驚問故太守曰當年公作翰林住前門外橫街我年九歲與公陸氏二甥同在蒙館讀書每放學後嬉游公家公姊及夫人梳頭常在旁手進梳篦公過猶呼餅餌啖我公竟忘耶余謝曰事實未忘不料昔日聖童今為公祖也惜二甥早亡矣相與唏歔者久之從此遂別更二十年太守之子惠堂孝廉來權知溧水又是余改官江南第一次捧檄之所重重春夢思之惘然其前事迹已作古詩一首贈蔣梓入集中矣今年哀不能再贅乃作一聯留惠堂廳事云後我卅年同為此地親民宰通家兩代曾見而翁上學時蓋實叙平生佳話非敢挾長也

梁山舟學士於嘉慶十六年冬患髮疽危篤中見有人持楹帖入其句云萬里烟雲開瘴戶一天風雨護神鑪病遂愈因自號新吾長翁後九十誕辰夫婦齊眉清健張岐山問萊贈壽聯云人近百年猶赤子天留二老看元孫時人稱其工切

梁山舟學士最工為壽聯得之者無不樂其雅切如壽吳太夫人八十云八座起居令子宮袍慈母綫重闈燕喜南陽仙菊北堂萱自注令子方開藩河南故用南陽菊事又壽嵇文恭公八一云螭坳舊齒符天壽鴈塔新題冠佛名時公以萬壽年生日重宴瓊林也又壽王述菴侍郎昶八十云盾鼻弓衣行世文章皆事業屏風團扇還山官府即神仙又壽許小范六十云甲子從頭開上壽神仙自古有曾孫時許已有曾孫也又壽趙次乾云東方先生善諧謔南極老人

應壽昌又壽汪西潁沈云國門舊價千金重鄉社新圖九老尊又壽博羅蘇明府云會翻李妻南飛曲曾領朱明大洞天又壽博羅成明府云鼓琴自擅寰中手飛鳥來看海上山又壽姚宗伯是年與千叟宴者云履為殿庭千叟上台光角亢兩星間又壽陝西何中丞未及年而與千叟宴者云家傳玉節仍分陝天賜瓊筵預杖期又壽袁簡齋先生云藏山事業三千牘住世神明五百年又壽直隸梁制軍云旌麾畿甸尊宗袞杖履耆英壽國楨又壽閩中丞奉使本籍讞獄者云玉節承天南斗靜錦衣行晝使星明又壽尹文端之子為福州將軍者云龍門世澤華跗盛鯨海威名草木知

廣東馮潛齋

成修

幼牧牛夢有持扇為障日者扇上有貴州學政四字因奮志讀書年三十四

始遊庠逾年登賢書聯捷成進士由庶常改部曹典蜀試又典閩試嗣督學貴州旋罷歸好論文有馮八股之目年九十餘始卒乾隆壬寅八表與夫人同庚康健無恙屆結禱周甲之期親友門生駢集稱慶重行花燭交拜之禮自署門聯云子未必肖孫未必賢屢忝科名只為老年娛晚景夫豈能剛妻豈能順重諧花燭幸邀天眷錫遐齡至乾隆壬子重赴鹿鳴洵美談也趙甌北先生早賦歸田不與外事惟以著作自娛劉石菴先生手書贈聯云務觀萬篇半皆歸里作啟期三樂全是達生言趙得之甚喜

顏魯輿

伯壽

巡撫滇南署堂聯云彩雲見處先後六十年中三世建牙宜如何効涓埃以肯堂

構湛露承來縱橫八千里外百蠻稽首所願與興禮讓而廣農桑王霞九觀察贈芳云出語公自紀實殆黔國公後所僅見者

廬陵劉古菴上舍宗輝買舟滕王閣為舟子書聯云有客臨舟懷帝子何人下榻學陳公時商

邛陳望之為江西巡撫見之笑曰奇士也命延之入且曰為君下榻矣一聯之遇合亦奇

陶雲汀宮保開府大江南北者十有餘年名位兼隆吏民翕服潘功甫舍人有祝五旬壽聯云

能文翰林能言御史能任封疆贊翊聖化有真經濟才公論出朝士口為國籌運為民興利為

我鄉里表彰賢達得大光明壽妙法現宰官身又齊梅麓太守祝六旬聯云八州都督五柳先

生經濟文章千古心傳家學遠六甲初周一陽來復富貴壽攷百年身受國恩長蓋宮保誕辰


在黃鐘之月也又程春海侍郎寄贈一聯云海涵地負之才文章博辨議論雄偉春溫秋肅之

政動用縣解靜專直方合諸名流之語觀之其人之生平可定矣

歙縣曹文正公由戶部侍郎晉工部尚書時其門下士徐訪巖廉訪寶森贈聯云再世宮銜太

保少保兩朝

宸眷司徒司空



楹聯叢話卷之十

福州梁章鉅輯

輓詞

秋雨菴隨筆云輓聯不知起於何時古則但有輓詞即或有膾炙人口二句者亦其項腹聯耳
惟石林燕語載韓康公得解過省殿試皆第三人後為相四遷皆在熙寧中蘇子容輓之云三
登慶歷三人第四入熙寧四輔中此則的是輓聯之體耳

思福堂筆記云紀文達師輓朱笥河先生一聯云學術各門庭與子平生無唱和交情同骨肉
俾予後死獨傷悲二公所學具見於此而語尤真摯且非笥河先生不能當斯語非文達師亦
不敢作斯語也

思福堂筆記又云乾隆戊戌余隨侍先文莊公赴閩撫任道出杭州值先文莊公六十壽辰中
丞學使分日為賀此余得瞻彭文勤公之始也迨余入詞垣適公為大教習勗余曰向讀之經
書不可拋荒已讀之詩文仍未足用應將文選及唐宋詩醇文醇盡卷熟讀可為好翰林矣余
因是加勵迨嘉慶壬戌遂與公同掌院事一日公告余曰內子昨問新院長為誰答曰乃曩在
杭州汝亦見過甫八歲之英世兄也二老同深嗟歎故癸亥公捐館時余哭之痛獻聯云榕嶠
奉行輿道出臨安絳帳樞衣纔八歲蓬山陪未座職猶弟子玉堂撰杖忽千秋蓋紀實也

紀文達師輓劉文正公統勳聯云岱色蒼茫衆山小天容慘淡大星沈句奇語重非文正公不足以當之

成親王輓福文襄郡王福康安聯云大名諸葛身先死異姓汾陽

帝不疑我朝以異姓封王者如定南王孔有德義王孫可望靖南王耿繼茂襲義王孫徵淳平南親王尚可喜海澄公贈王爵黃芳度皆在國初年間雍正乾隆以來惟福文襄一人而已

福郡王薨於湖南軍營時苗疆所在建祠紀文達師撰聯云汾陽王名位相同功業常新萬里有將軍壁壘忠武侯經綸未盡英靈如在百蠻拜丞相祠堂

彭春農曰先文勤公出董文恪公邦達之門嘉慶丁巳文恭公誥丁太夫人憂

高廟遣官奠酒加賞陀羅經被文勤公輓聯云心愴老門生執饋縫衣憐雪立恩醲賢宰相醜危經被報春暉時紀文達師亦文恪門生輓聯亦以老門生與賢宰相作對歸語其孫鄉林曰惟我兩人所見略同也

董文恪公之夫人沒於京師時文恭公已登揆席文達師作輓聯云富春江萬古青山阡表長留慈訓能成賢宰相聽雨堂九年絳帳食單親檢舊恩最感老門生桃符綴語載此聯以為陶太史撰蓋誤

紀文達師因誦某詩云浮沈宦海如鷗鳥生死書叢似蠹魚戲謂此二句可作我他年輓聯劉
文清公云此惟陸耳山副憲足以當之未幾而陸訃至蓋方被

命赴瀋陽覆校 四庫書以天氣驟寒表衣未到凍僵於旅寓中也時以為語識

紀文達師輓彭文勤公聯云包羅海嶽之才久矣韓文能立制繪畫乾坤之手惜哉堯典未終
篇蓋文勤方專司 高廟實錄藁本未能竣事而薨也

沈歸愚尚書 德潛 輓桑菽甫 調元 云文星酒星書星在天不滅金管銀管斑管其人可傳

畢秋帆自營生墳於鄧尉山並自作輓聯云讀書經世即真儒遑問他一席名山千秋竹簡學
佛成仙皆幻相終輸我五湖明月萬樹梅花

昌平陳紫澗宮詹 浩 與錢唐陳句山太僕 北嶺 並負重名時有南北二陳之日宮詹有輓吳湛

山中丞 士功 聯云使節轉閩疆舊雨追思鄂渚蘭言如昨夢者英推洛社生芻遙奠謝庭玉樹

總層霄中丞為香亭侍郎之父曾撫吾閩與宮詹為摯好此聯凄婉動人寫作雙美侍郎為裁

截成卷徧徵同人題識新建曹文恪公仁和胡文恪公富陽董文恭公及吳白華褚筠心 廷璋

陸費丹叔 堉 謝蘊山 啟昆 諸公皆有跋以一聯而集成巨觀蔚為墨寶宜中丞之孫紅生舍人

葆晉 珍秘若球璧矣

梁山舟學士所撰輓聯極多茲擇其尤著者錄之輓梁文定公 國治 云天北掩台垣聞說槐音

中夜斷江東失宗哀心傷荆樹一時摧時其弟冲泉亦沒也輓其姑夫張藻川侍郎云朝無諫
草家有賜書卅載清聲先簡冊公應騎箕我悲陟岵一時血淚灑葦葭輓蘭素亭河督云帝昇
以河三策勤勞著淮北臣心似水四知風節媿關西輓錢竹汀宮詹云名在千秋服鄭說經劉
杜史神歸一夕仙人骨相宰官身

錢籀石先生載以上書房侍郎致仕山舟學士輓以聯云青宮授几洛社圖形官府神仙皆
慧業達尊備三絕藝擅四儒林文苑並傳人自注云昔人以文與可騷書詩畫為四絕也

山舟學士之妹夫湯畫人辛未庶常未及散館而沒年僅四十生母猶在堂學士輓以聯云四
十年生有自來身到蓬瀛天遽召三千里沒而猶視心傷桑梓母何依又輓其師莊對樵云孝
思盡宦海家園榮親養親一笑生天證佛果道望齊太山梁木吾仰吾放幾人入座哭春風又
輓陶篁村云萬里兒啼此日愁攀賢令轍卅年老淚隔江空盼少微星時篁村之子方宦黔中
也輓其兄春淙云一品承恩魂魄長依華屋九重念舊馨香宜徹幽泉輓明中和尚云畫裏傳
衣風契偶同永長老山中獻蓋前塵誰證衲禪師自注云余畫過去僧像師為補衲又師與先
人同入詩社輓佛齋和尚云竹萎蕉枯此日是師真面目焚香灑水當年惟我舊朋儔自注次
句指恒公寂時事

山舟學士輓孔谷園

繼凍

聯云臨去詩成寫照髯仙明月清風人已遠平生墨妙瓣香水叟虹

樓瀛海世爭傳自注谷園沒之前數日有題蘇尺牘詩明月清風即詩中語天瓶居士張文敏公為谷園婦翁玉虹樓谷園齋名瀛海仙班帖天瓶書也

邛南屏侍郎樹棠以事降調未補官而卒時辛卯上元日也是日值月食彭春農以聯輓之云大雲暫作間雲風規自在元夜頓成長夜月魄同虧

陳荔峰侍郎為內閣學士閱二十年始擢少宗伯旋攝少宰少農駸駸乎大用矣以病乞假調理已就痊愈是日讌客至中夜衆賓甫退始就寢不逾時起坐咯血數口而沒彭春農輓聯云撒手了無難夜宴方闌歸碧落傷心將大用夕陽雖好近黃昏

平湖吳臺卿顯德松圃協揆之猶子山舟學士之甥也幼聰敏年十六受知於朱文正師補博士弟子員才藻冠時謂取青紫如拾芥矣乃十上鄉闈未離席帽鬱鬱不得志遂遁而學仙日從事乩鸞叩長生之術年未四十以瘵卒太夫人猶在堂也學士輓聯云天道何知不許阿嬌留李賀神仙安在翻教老淚哭羊曇讀之令人酸鼻

山舟學士與其德配汪恭人俱登大年恭人長學士一歲先學士二年卒學士輓聯云一百年彈指先陰天胡靳此九十載齊眉夫婦我獨何堪逾二年學士始卒年九十三沒前數日手書訃稿遺命不治喪不刻行狀同里衆紳士輓聯云朶殿奉絲綸四百紙述事記言史館猶傳大手筆明湖思俎豆九十載清風儉德邦人長想古衣冠

鮑覺生先生桂星才氣冠時徒以傲兀凌人為世所嫉臨終自撰輓聯云功名事業文章他生未卜嬉笑悲歌怒罵到此皆休遺命懸於靈几之前則仍是本色語也

浙中蘇子齋繹由翰林改官侍御以公過錫級捐復刑部副郎轉正郎出守山西朔平以憂歸起復守山東青州卒於官有素交官於廣東者聞其訃痛之寄聯挽之云譽美西清望重西臺又威肅西曹出治懋勳猷兩省春風思大守耗傳東浙心傷東魯奈身羈東粵招魂長歎息一江秋水哭先生

徐秋崖孝廉廷煊於會試場中得病十四日而沒於邸舍時令嗣訪齋亦以會試隨侍京寓封翁來若先生年八十猶在堂也梁小槎比部輓以聯云十四日病莫能興幸喬梓相依屬續尚能親舍玉三千里沒而猶視痛桑榆垂暮倚閭猶自盼泥金

道光乙酉德清徐倪氏之案自巡撫以至典史一城之官盡置吏議王小華廉訪惟詢以急欲平反此案遂至自裁蔡生甫學士之定輓以聯云剛毅木訥近仁生原無忝聰明正直而一沒則為神頗肖其為人然以三品大員為此無名之死論者惜之

許周生駕部宗彥病中語人云夜來曾作詩記得二句頗切近狀句云厭聞家事常如客愛看名山悔不僧今繙鑑止水齋集無此二句蓋偶得句而未成篇也駕部沒前三日自撰輓聯云月白風清其有意斗量車載已無名可謂了然於去來者矣

秋坪新語載紀文達公長子汝侭中乾隆乙酉孝廉卒時公甚為之神傷語客曰今乃知因果之說或亦有之蓋孝廉病絕而蘇者屢矣忽一日聞其聲宛山西人也問故曰其來索逋茲已償清仍欠若干可亟焚楮鏹如數當去家人輩如言焚之遂瞑方環哭間又蘇張目曰所乘馬後足顛蹶弗良於行可易一匹則乘之去矣眾茫然公之三女哭告曰誠有之凡氣絕時所焚馬吾見其後足紙損或即其故歟因別製一具焚之乃不復蘇公於靈帷書一輓聯云生來富貴人家却怪怪奇奇祇落得終身貧賤賴有聰明根器願生生世世莫造此各種因緣蓋孝廉素性揮霍錢刀到手輒盡又緣事被褫公以其過不檢攝禁弗使出日給資用無少溢孝廉深苦其拘罄所有付之質庫卒之日蓋不餘一物云

紀文達師與龔匏伯先生

禠身

同校

四庫書最相契後先生以軍機章京觀察滇南終於位

師寄輓聯云地接西清最難忘樞密院旁公餘茶話思深南徼惜空留昆明池畔去後棠陰

彭文勤公輓鐘碧溪大令聯云匪特萋蘿親髻同筆研相將老空懷松菊志家少田園竟不歸

粵東張儀坡庶常翔恃才放蕩未及三十即以酒色殞其生其師花曉亭方伯杰甚慟之輓以

聯云與人何尤可憐白髮雙親養子聰明成不幸自古有死太息青雲一瞬如君搖落更堪悲

余撫桂林延呂月滄郡丞主秀峰書院講席士論翕服余常就諮地方利弊兼以政暇談藝皆

獲益良多惜其驟歸道山繼主講者為黃春亭邑侯暄亦佳士有輓呂聯云德合荀君久以範

模乎梓里文追白傅豈惟政事在杭州為時所稱余既為撰墓志亦輓以聯云三管失斯人癸
 水辰山都閣淡千秋存定論鄉賢名宦竹馨香蓋月滄品學俱優曾官兩浙有循聲尤長治獄
 也時合省之士大夫以請祀鄉賢祠環顧余已為擬定疏稿適同官有違言遂聞不行亦可歎
 矣

盧厚山宮師嘗總督兩廣兩湖巡撫江南山西觀察廣東山東湖南又於丁憂伏處時奉

特旨起家管西域軍需局駐劄肅州凱撤後遂巡撫陝西其沒也由宮保晉宮師加輕車都尉

世職諡敏肅余甲寅同年中勲名之盛未有如公者也裕魯山廉訪裕謙寄聯輓之云曠典邁

千秋帶礪台衡天錫殊綸榮衛霍仁恩周十省韜鈴黼黻人從華屋仰皋夔

劉星槎司馬台斗寶應名進士也由水部通守烏鎮以督運終於官舒白香哭以聯云學究天

人祇曾博文章一第才堪公輔僅試官丞倅三年

同年李服齋廉訪文耕雲南人由山左縣令起家清節循聲上達

宸聰不數年遂秉臬齊魯移官黔中以老病引退終於家余壬戌同榜中不乏俊異之才而言

坊行表必推公為巨擘詢之滇人士亦無間言王孚遠方伯輓以聯云道學風高望推南詔循

良績著念切東人方伯山左人故抒其去思如此

四川李墨莊太史鼎元客死揚州貧無以斂吳山尊輓以聯云百金囊盡揚州死萬里魂歸蜀

道難

鄭雲軒孝廉

天衢

與余同肄業鰲峰書院復同舉甲寅 恩榜實余之妻叔外舅鄭蘇年師之

弟也甫踰四十而沒時節母廖太孺人尚在堂師哭以聯云緣盡先離傷心卅載荆枝漫說來

生還有約事多未了回首七旬萱蔭敢言已死便無知一字一淚情深於文矣

徐兩松中丞

嗣曾

撫閩有惠政其培植鰲峰書院士子尤繫去思聞其易簀前數日自撰輓聯

云仗我佛慈悲指示方悟得無我無人做吾儒切實工夫巴結到而今而後可謂來去分明矣

薩檀河邑侯

玉衡

雄於文尤工詩皆不屑拾人牙慧嘗為一縣令之母輓聯云民是賈兒甘棠

歌衆母母官真佛子妙蓮現法身身可云別致余嘗借以應一達官之求遽遭齒冷而置之

紀文達師於乾隆癸未甲申間督閩學時余家自先大父及先嚴暨諸伯父叔父皆及門受業

師訪知余家自前明以來十五代秀才相繼不斷特書書香世業一扁為贈先資政公因製堂

聯云近承十五葉囊箱闡發金書玉字遙印千乘侯矩矱優游聖域賢關千乘侯為聖門七十

二賢叔魚公

鱣

封號實吾家遠祖也余於嘉慶壬戌成進士適又出文達師之門一門三代皆

為門生皆登詞館師每對人舉為美談是秋聞先資政公之計設位於京邸師親來拜奠並手

製輓聯云十五傳蘭玉相承授硯三看入芸館六千里泥金甫報撫楹一笑返蓉城

道光乙未入都以所撰樞垣紀略質之長懋亭公相

齒

公閱之甚喜為辨析疑滯數事且為述

乾隆年間樞直舊聞娓娓不倦蓋是時軍機老輩無有在公之前者丙申再入都見公益矍鑠堅坐久談有後生所不逮者因叩公調攝之方公笑曰十年前有星士相我將來名位可及阿文成惟年壽少遜耳文成年八十一今我已七十九雖矍鑠又可恃乎余以他語解之而公果於次年元旦告終聞除夕向家人查詢歛縣曹文正公終於何日衆對曰正月二日公曰我不可居其後逾日遂逝故徐星伯松輓聯云易筭預知時一日期先曹太傅蓋棺先定論千秋名並阿文成時余在桂林接公訃書亦寄聯輓之云出將入相垂五十年功比汾陽壽同潞國掃穴犁庭越三萬里昔追定遠今媿章佳亦紀實也

彭春農曰曹文正公自勝衣即受業於先文勤公故與賓從談時輒舉文勤公詩文言行以示後進諸君皆以為聞所未聞公之沒也

賜諡之旨專舉睢州湯公大興朱公作配予輓公聯句云帝眷老成人直追滌昭代前賢當之克配師承先大父從此問昔年遺事知者其誰上聯 舉國恩之大下聯述私交之密也

彭文勤公有女許字同里曹文恪公之子曹氏子殤時女年甫十齡即矢志守貞生平究心經傳不似閨秀之僅以詩文表著者文勤公病篤曾刲股以進故奉

仁廟特旨旌獎誠異數也未幾遂沒劉金門先生輓聯云名父名翁名女士大貞大孝大完人余秋室學士集悼亡聯云濟艱辛嘗險阻貧家婦信難為痛今朝鏡破釵分欲圖夢影重圓除

異世再同青玉案習荆布厭綺羅半生儉應可法奈塵海馳驅電掣贏得褶痕如舊到秋宵怕
檢縷金箱哀怨纏絲不愧才人之筆

黃蕉卿

異

錢唐梁紹士之室隨梁入粵間關度嶺未及半年而沒梁輓以聯云四千里累爾遠

來父在家母在殯翁姑在堂屬續定知難瞑目廿三年棄余永訣拜無兒哭無女繼承無姪蓋
棺未免太傷心蕉卿有聽月樓詩不減慧業文人宜紹士之有餘痛也

靖安天香居士舒

夢蘭

字白香負才名其配李湘絃亦婉慧有才子佳人之目李以中秋夜化

去白香悼傷甚至所作秋心集中有輓辭錄一篇稱堂中輓聯以龔西原太守為最句云仙去
何之燒鼎白雲樓斷壑神傷已甚著書黃葉冷空山真才子筆也又載陳果堂聯云千佛禮鳩
摩名士案頭賡昧旦五更驚蛻羽天香館畔咽秋風胡果泉中丞聯云蟾鏡掩清輝歎當年玉
宇瓊樓難覓靈丸延壽藥鹿車隨大隱知此後故奩遺掛重哦寒夜悼亡詩劉星槎司馬聯云
家有詩仙惜到處名山未能偕隱身常禮佛覺往生淨域確有明徵吳蘭雪中翰聯云奔月訪
姮娥忍今天香虛舊館持花歸淨土徒煩松雪禮中峰汪異泉學士聯云仙娥明月是前身想
歸真翠水丹林桂蕊靈香同郁烈名士秋風添別恨漫寄意繩床經案蟲絲落葉共淒清皆名
筆也

韓芸舫中丞

克均

巡撫吾閩其夫人以四月八日卒於官解僚屬公輓多頌揚語先生俱不愜

意惟孫平叔督部一聯云解脫拈花剛佛日證明因果在仙霞韓見而歎曰畢竟名士吐屬與衆不同

余由蘇藩引疾假歸後一年即遭亡室鄭夫人之痛百事俱廢不但悼亡詩不能成一字並輓聯亦無之惟手書影祖心在四字於靈帷而已憶程春海侍郎寄聯云淑德稱女師孝著鄭經禮修梁紫令名相夫子澤流三黨絮被萬家語特矜重足令泉壤生輝又林少穆撫部寄聯云相夫垂四十載辛勤出處同心畫錦歸來猶並轡濟世具萬千緡功德熾昌啟後夜臺化去合生天則隱括余行狀語也又門人祝秋臺侍讀春熙長聯云千里尊羹方偕歸隱三間茅屋幸免賃春卅八載鴻案相莊痛半世釵荆彤史遽亡賢德曜鑑擊才思葭末心欽書帶家聲蘭猷耳熟廿六年鯉庭陪侍對後堂絲竹絳帷望斷老彭宣亦紀實之詞尚非輓聯俗套

陶雲汀宮保由徽撫蘇撫晉督兩江前後將二十年以勞瘁終於金陵

賜諡文毅入祀賢良祠余壬戌同年中勲名之盛未有如公者也卓海帆尚書東恬哭以聯云

天下大事公可屬江南遺愛民不忘京中同人皆以為切當余亦寄聯輓之云尹文端厚澤深仁重見江鄉說遺愛陳恪勤精心果力方知楚產信多才蓋宮保狀貌雄偉方口豐髯酷似其鄉陳恪勤公余藩吳曰因修陳公祠拜像而知之曾紀以詩云省識鬚眉如有悟始知從古楚才優宮保聞之亦頗自喜此聯猶前詩意也

朱詠齋太宰士彥亦余壬戌同年一生以樸誠為

上所倚任其直 上書房時尤以嚴氣正性自持斷斷辨論之聲達於中外

上在乾清宮時每遙識之比年奉

命讞獄周歷各省不敢告勞甫還 朝未久即卒

賜諡文定加宮保銜可謂備極哀榮矣余寄聯輓之云師範重三天聲歎聲猶留殿陸皇華周
四國樸誠望早式班聯無溢美也

陳芝楣中丞鑾由鼎甲翰林出為江南郡守初權江甯府補授松江府旋調蘇州府取白香山

詩句鐫一小印曰自出承明三領郡余藩吳時芝楣適守蘇州文采風華傾其流輩以於余有
推薦之誼執弟子禮甚恭踰卽擢監司都轉陳臬開藩遂被開府豫章之

命旋移吳中權江督兼河督近科詞臣名場之快利未有如公者也聞其擢浙臬時初

覲京師引對甚稱

旨有此後前程不可限量之

褒乃

嚮用方殷而修文遽召年實限之謂之何哉余以聯寄輓之云儀表稱科名

帝許雲程難限量文章兼政事我慚風義託淵源

哀輓通用之聯亦有佳者如悼亡云春江桃葉鶯啼溼夜雨梅花蝶夢寒 寶瑟無聲絃柱絕

瑤臺有月鏡奩空 總惟忍痛安仁句推髻難忘德曜風 戚友云氣數不言仁者壽性情猶

見古之愚 誄文作自先生婦遺稿歸於後死朋 蘭亭少長悲陳迹玉局風光歎化身 素

車有容奔元伯絕調無人繼廣陵 雲深竹徑樽猶在雪厭芝田夢不回 文章卓犖生無敵

風骨精靈沒有神白傳 事業已歸前輩錄典型留與後人看坡公 稱觴尚憶登堂事挂劍

難為過墓情 十載名場成勁敵九重泉路盡交期 達官云峴山碑墮羊公淚浚縣圖留陸

子型 處士云桃花流水杳然去明月清風何處游 上界由來足官府西風何處哭文章

墨雲香冷來禽館薤露寒生賦鵬文 不作風波於世上別有天地非人間 又八字云未弭

前思頓作永別追尋笑緒皆為悲端 一代傳人鄭虔三絕十年循吏楊震四知 又十二字

云象應少微星彩落蕭辰悲夜月名傳者舊傳芳流梓里憶春風 小別遽招魂始信憂勞能

損壽高堂久忘世那堪遲暮轉推心 叔輓姪云別室具銅盤期爾從容光素業中庭摧玉樹

愁余遲暮哭窮途 兄輓弟云同氣遽分途原隰秋風魂不返異時誰共被池塘春草夢難通

兄輓妹云勁節勵冰霜定卜隴岡終有表哀年鮮兄弟可堪雷岬更無書 甥輓舅云有淚

灑州門千古白眉增太息無才成宅相廿年青眼益酸辛 婿輓翁云浮白自慚蘇子美垂青

空憶李文公 弟輓師云問字感當年重謁元亭空灑淚傳經珍此地載瞻絳帳暗推心


曹養原宮保文填於乾隆末乞養里居歿於嘉慶三年彭文勤師輓聯云人爵貴天爵更尊解組學鳥巢反哺

帝星升臣星先隕騎箕為龍馭前驅

富陽董文恭公身為太平宰相三十年曾兩次畫像紫光閣勲名之盛一時罕有倫比而身後清況乃似寒門潘芸閣學士錫恩有輓聯云珠玉自天題計兩番紫光閣圖形早有丹青傳相業樓臺無地起綜卅載黃扉翊化惟將清白表臣心

楹聯叢說

卷十



楹聯叢話卷之十一

福州梁章鉅輯

集句 集字附

漢碑句皆質重蔚然古香余齋所藏頗多因偶集為楹聯云蘭石之姿清少之行魯瑤璋其質

芳麗其華熹平殘碑蹈規履信立德隆禮式根道核藝抱淑守真景佐時理物天與厥福夏承

含和履仁帝賴其勲夏承孔宙德惠旁流邕芳遠布劉雅度宏綽廣學甄微魯敦詩悅禮藐然

高厲耿勳魯峻琢質繡章耀此聲香校官衡方紹聖作儒貢登王室孔宙鈞河摘洛象與天謨史學為

儒宗行為士表魯冠乎羣彥簡乎聖心鄭聲無細聞雖遠猶近張勞而不伐有實若虛孔

純皦之德仁義之操魯峻孝弟於家忠謇於朝衡方含和履仁天與厥福見發號施憲民說無疆

孔彪華山 含和履仁見永享年壽孔宙應期作弼入參文昌倉頡韓勅下民康濟順如流水尹宙羣公

憲章穆若清風衡方魯峻温然而恭慨然而義婁忠以自勗清以自修鄭

近人集句楹帖有可喜者五言云山公惜美景小謝有新詩獨孤及即事已可悅賞心還自

怡杜甫脚著謝公屐身披萊子衣李白岑參名香播蘭蕙妙墨揮巖泉岑參張江山助磅

礴文物照光輝陸聖許景光深情託瑤瑟逸興橫素襟賈至李白閱古宗文舉臨風懷謝公盧綸

跌宕孔丈舉風流賀季真儲光義李白誰將佳句並真與古人齊楊巨源雅琴飛白雪逸翰懷

盈 非 長 古 卷 下 一

青霄杜正倫智勇冠當代卓犖觀羣書盧湛結交指松柏述作凌江山孟浩然朗抱開

曉月高文激頽波孟郊學業醇儒富文章大雅存杜甫積照涵德鏡素懷寄清琴孟郊

與鵬鷲勵羽翼龍鸞炳文章儲光義草木含清色巖廊挹大猷儲光義知音在霄漢高

步躡華嵩郎士元江山澄氣象冰雪淨聰明高適汲古得修綆開懷暢遠襟韓愈文章

輝五色心跡喜雙清李白端居喜良友獨立占古風韋應物披雲鍊瓊液坐月觀寶書李

聲華滿冰雪節操方松筠高適酒香留客住詩好帶風吟白居易名香播蘭蕙

雕藻邁瓊琚岑參蘊真愜所遇振藻若有神杜甫溪靜雲生石窗虛日弄紗姚合

心同孤鶴靜節效古松貞呂渭名香泛窗戶遠岫對壺觴許渾墨研清露月琴響碧

天秋李洞地迴雲偏白亭香草不凡高適接垣分竹徑微路入花源張說美花多映

竹喬木自成林杜甫邛壑趣如此鸞鶴心悠然錢起柳深陶令宅月靜庾公樓李白

苔石隨人古山花拂面香張九齡長笑對高柳貞心比古松李白願持山作壽常與鶴為

羣武三思荷鋤修藥圃煮茗就花欄王維澗松寒轉直碧海闊逾澄王績誰知大隱者

乃是不羈人王維詩思竹間得道心塵外逢元稹暗水流花徑清風滿竹林杜甫從來

多古意可以賦新詩杜甫徑隱千重石園開四季花杜甫隔沼連香艾緣巖覆綠蘿杜甫

琴將天籟合幔卷浪花浮趙冬曦野翠生松竹潭香聞芰荷李亦頗得湖山趣不知

城市喧劉長卿短歌能駐日間坐但聞香宋之問高松來好月野竹上青霄李白松風

清耳目蕙氣襲衣襟孟郊七言云川原繚繞浮雲外臺榭參差積翠間盧綸松間明月

長如此身外浮雲何足論宋之問窗含遠樹通書幌風颭殘花落硯池李賀四野綠雲

籠稼穡一庭紅葉掩衡茅杜荀鶴常愛此中多勝事更於何處學忘機劉長卿松持節操

溪澄性山展屏風花夾籬李白閒看秋水心無事靜聽天和興自濃皇甫冉陽羨春茶瑤

草碧蘭陵美酒鬱金香錢起天與三台坐儒

楹帖中亦有所謂臺閣體者五言集句云大賢秉高鑒上德表鴻名孟郊天與三台坐儒

開百代宗張九齡謀猷歸哲匠詞賦引文雄王維羽儀呈鸞鷲藻思煥瓊琚劉禹錫

麟筆刪金篆霓裳侍玉除盧綸一經傳舊德八座起文昌張說雲山起翰墨星斗煥文

章王珣三光懸聖藻一氣轉洪鈞沈佺期道為詩書重心緣啟沃留杜甫七言云功名

待寄凌烟閣霄漢常懸捧日心杜牧千秋錄紀朱鸞誥五色先生綵鳳毛李義府瑞氣迴

浮青玉案清名合在紫微天白居易仰賀斯文歸朗鑒惟將直道歷崇班齊己聖代科名

酬志業中朝品秩重文章方干勳業定應歸鼎彝文章誰得到呆愚徐寅三千士裏文章

伯十二樓前侍從臣盧綸彩筆祇宜天上用五雲多繞日邊飛貫休瑞草惟承天上露繡

衣却照禁中花王建萬卷圖書天祿上四時雲物月華中李白更傍紫微瞻北斗還將綵

眼詠南陔薛逢蘇頌花迎綵服離鶯谷閣倚晴天見鳳巢羅隱劉禹錫七德龍韜開玉帳三千犀甲

擁朱輪駱賓王陶身應山河分岳瀆功銘鼎呂繪麒麟于尹耕封益紳

梁山舟學士所書楹帖多係集句有鈔輯成本者今錄其佳者如左 四言云斧藻其德法竹

拍之懷水經注五言云名隨市人隱心與古佛間蘇竹石得幽秉壺觴多雅游文同六言

云讀書不求甚解陶靖節鼓琴足以自娛莊七言云我書意造本無法蘇此老胸中常有詩陸

眉宇之間見風雅笑談與世殊白科山谷文章或論到聞真梅聖俞笑談與世殊白科見

萬卷藏書宜子弟山谷三田聚寶真生涯蘇官如草木吾如土東坡古有風雷筆有神見

胸中已無少年事門外猶多長者車山谷張顛草聖雄千古焦遂高談驚四筵遺山名高

北斗星辰上王廷珪詩在千山烟雨中張孝祥輕鷗白鷺定吾友山谷綠竹高松無俗塵劉公

縑成白雪三千丈荆公淨掃清風五百間蘇更築園林負城郭荆公先安筆研對溪山放翁

感踏鮑謝跨徐庾蘇網羅秦漢近唐虞傳八言云行道有福能勤有繼居安思危在約

思純左傳水生於水而寒於水荀雲出其山復雨其山詩如此風神惟須飲酒北史既佳光景

當是劇棋南小窗多明使我久坐入門有喜與君笑言易德有潤身禮不愆器玉韞

庭照蘭生室香庾子平理若衡照辭若鏡動墨橫錦搖筆散珠文心山水有靈亦驚知己

水經性情所得未能忘言庾子閉戶自精開卷有益任彦昇垂露在手清風入懷柳子厚碧山

人來幽鳥相逐金尊酒滿奇花初胎詩品

脂粉簡編冠纓圖史李義山句

糠粃禮義錙銖功名績王

九言云如良金美玉無施不可張說傳

非精墨佳筆未嘗輒書裴行儉傳

十言云無江海而間

不導引而壽莊子乃邦家之光非閭里之榮歐文

吳青士郡丞廷裕自吳中錄寄集句八字聯皆古雅可愛今擇錄其尤佳者如左云赤野生姿

青田矯翰唐妻師德契必明碑白雲怡意清泉洗心李邕葉有道碑蘊智成囊含明作鏡唐劉待價今憑春灑

翰席月抽琴北魏高湛碑如筠斯清比蕙又暢宋宋詹報友書逢岑愛曲值石憐歌魏姜質亭山賦器重南金

才橫東箭高后碑辨雕春圃德瑩秋天唐太宗訪才能詔綴響蘭深緝言瓊秘謝莊武冊沈思泉湧華藻

雲浮魏太子蘭贊述鳥嘯歌來花濃雪聚庾信馬射賦雲隨竹動月共水流陳後主夜庭度鴈賦春水兩派晴

山數曲大隱賦朱輪十乘紫誥千篇幽居賦薜引山茵荷抽水蓋王勃東屋山池賦琴號珠柱書名玉杯

激揚碩學誘接後進南史張融傳甄明政術曉達公方唐太宗訪才能詔經緯區宇彌綸彝憲

抑揚人傑雕繪士林契必明碑綴響蘭深緝言瓊秘謝莊武冊秉仁嶽峻動智淵明崔敬修

風曉逸德星夕映謝莊武冊祥禽輩作瑞木朋生鮑照河清頌澤雨無偏心田受潤簡文上大慈雲

既擁智海亦深簡文與智炎書抗心希古任其所尚舍毫命素動必依真隋姚察名畫記溥露飛甘舒雲

結慶謝莊武冊貞筠抽箭潤壁懷山王融贈叔詩壯思風飛逸情雲上謝朓七夕詩朗姿玉暢惠風蘭披

宋孫原團扇賦

謝默卿邑侯元淮自梁溪錄寄集句各聯皆工穩附錄於左云井竈有餘處林園無俗情 揮

茲一觴未知明日事遠之八表正賴古人書以上集陶詩 精義測神奧清機發妙理遠想出宏域

高步超常倫集文選句 謳吟垌野金石雲陞棟梁文圃冠冕詞林文心雕龍庚開府集 芝洞秋房擅林春

乳桂深冬煥松疎夏寒庚開府句 舉頭望明月盪胸生層雲集李杜句 楓葉荻花秋瑟瑟浴鳧飛鷺

晚悠悠集白杜句 家醞滿瓶書滿架山花如繡草如茵集唐句 蝶銜花蕊蜂銜粉犀辟塵埃玉辟

寒集李義山句 碧苔芳暉如有佳語綠杉野屋良彈美襟集司空表聖詩品下同 隔溪漁舟幽鳥相逐亂

山喬木奇花初胎 妙機其微是有真宰遠引莫至忽逢幽人 娟娟羣松上有飛瀑蕭蕭落

葉人聞清鐘 紅杏在林幽鳥相逐碧桃滿樹清露未晞 蓄素守中所思不遠返虛入渾其

聲愈希 神化攸同控物自富性情所至著手成春 與古為新載瞻星氣其曰可讀如寫陽

春 焦氏易林中語多吉祥有集句為聯語云砥德礪才為國藩輔布政施惠生我福人 合和履

中駕福乘喜年豐歲熟政樂民仁 論仁議福保我金玉達性任情樂其安閒 道德神仙增

榮益譽福祿歡喜長樂永康

余小霞有集句聯云隨遇而安因樹為屋會心不遠開門見山又云天半朱霞雲中白鶴山間

明月江上清風予曾集蘇句為聯贈之云勸子勿為官所腐知君欲以詩相磨又一聯云筆老

詩新疑有物水清石瘦亦能奇

聞有集前人句題酒家樓者云勸君更盡一杯酒與爾同消萬古愁可謂工絕

黎湛溪河帥廳事有桂未谷馥分書集句一聯云天根月窟間來往麤沙大石相磨治余每進

謁屢目之河帥曰君賞其書乎惜集句殊不倫不類也余曰桂作此時初不為公自今觀之則所集殊雅切河帥詰其說余曰上語謂公治易對語謂公治河耳同僚尚未喻余曰上語謂作河上易注對語謂辨碎石坦坡耳衆始譔然

吳信辰集司空曙李頎一聯云翠竹黃花皆佛性清池皓月照禪心以題佛寺恰好

李蘭卿守思恩時於賓州建聽荷小閣集句聯云眼明小閣浮烟翠身在荷香水影中跋云道先丁亥六月按試賓州以是月二十四日作荷花生日時阮春奮刺史重葺是閣方成而申漁溪陳紫瀾劉夢庭三明府皆不期而會一時之盛衆賓俱驩余題扁榜曰荷花世界並集東坡誠齋詩句懸於閣柱

達誠齋達三權稅粵關喜談文字頗通易學有別業在署旁名淨芳園權使自為集句一聯云

閒坐小窗讀周易每依南斗望京華

相傳徽州城中有戲臺初成徽之巨商撰聯得一句云聲為律呂身為度久不能對曰有能集成語對者當厚酬之時方朴山先生命其子德往對曰雲想衣裳花想容徽商酬以百金先生

笑曰七字百金李太白惠我無疆也按對句勝於出句出句呂字添出身為度三字亦無者適成其為徽商本領也

近人有集句楹帖云大兒孔文舉小兒楊德祖前身陶彭澤後身為蘇州以東坡詩對欄衡傳天然比偶惜無人能當此語耳

石墨文字以石鼓文為最古近有集為篆聯者云道藝工於寫華柳秀靈時或載淵魚不華不樸同所好既安既寧樂迺時 寧樸毋華以康我道既安迺樂共寫其天 道旨淵微深於

四子詞華工秀大如六朝

桂林城中巖洞以風洞山為最即疊綠山也山中座落又以景風閣為最葉琴柯中丞

紹桂集

楔帖字為聯云林間虛室足觴詠山外清流無古今余亦擬集韓句一聯云粉牆丹柱動光彩高屋巨壁爭開張

余編梓聯話將竣適賀耦庚中丞郵信來以集句兩聯索書集四書云行不得則反求諸己躬自厚而薄責於人又經語云視履考祥其旋元吉清明在躬氣志如神因附識之

以下集字

西嶽華山碑前明已燬今海內只有三拓本余所藏者華陰郭允伯舊物曾歸朱笥河先生者也碑為蔡中郎所書近人有集碑字為楹帖者如云漢壁秦璆千歲品光風嘉月四時春 和平峻望中書令典則高文太史公 歲星仙氣原方朔璧月新詞是義山 玉堂修史文皆典

香案承書望若仙

陳曼生郡丞有集三公山碑字一聯云老屋三間可蔽風雨空山一士獨注離騷

柳誠懸所書元秘塔銘雄偉奇特最宜於作楹聯有集字成句者云山靜日長仁者壽荷香風善聖之清 窮經安有息肩日學道方為絕頂人 情詞超邁高常侍書法清圓趙集賢

敬容所書王居士塼塔銘乃褚派也近人喜學之姿態橫生惟以作大字則規撫稍有不足亦有集字為楹帖者云天然文吐春雲潤悟後心如秋月超 明月超然懷遠鑒緒風和處覺春生 書求往迹得其化文有真宗鑒乃神 風節為貞金樂石心神如秋月春雲

顏魯公爭坐位帖字不及寸而拓作大字則有雄偉之觀勝於臨摹他蹟近有集帖字為楹聯者語亦岍異不羣七言云身向尺天崇位業人從香海望才名 恬然清行同南部積有文才是左思 一誠有定同葵向百故皆恬若海容 校書長愛階前月品畫微聞座右香 清時

盛治人同仰名世高文衆所師 其書莫廢文明道不爵而尊禮衛身 畏友恨難終日對異書喜有故人藏 月寮烟閣標清興文府書城縱古今 書到右軍難品次文如開府得縱橫 滿室古香人有會當階清蔭月初中 立志須如三古盛為書自起一家言 八言云立功

德言有三不朽尚齒爵位無一非尊 功冠凌烟紀綱文武才高畫日損益古今 立德立功居之以敬友直友諒尊其所聞有集顏魯公多寶塔碑字為楹帖者近刻成板聯墨搨亦頗可

觀句云天然深秀檐前樹自在流行檻外雲 脫俗書成一家法寫生卷有四時春

顏魯公書東方朔像讚字莊嚴合矩在多寶塔之上有集字成聯者云德星人是東方朔雄辨

文如石曼卿 作者多大方家數望之如神仙中人 清而不矯心無滓儉以為節家之肥

學以精神通廣大家從清儉足平安

繹山碑原石已不可考今所傳本乃五代鄭文寶重刻而典型具在殊可臨摹近有集碑字為

聯云追古思今道在作者登高望遠時復樂之 為樂及時令德無極去古不遠直道在斯

日有所思經史如詔久於其道金石為開 山澤高下理所著金石刻作臣能為

王右軍蘭亭叙字執筆者無不奉為矩型近人有集字為楹聯者亦自巧思締合五言云暢懷

年大有極目世同春 室有山林樂人同天地春 惠日朗虛室清風懷古人 風竹引天樂

林亭集古春 六言云今趣豈異於古天聽可期諸人 文情生若春水絃詠寄之天風 七

言云有足春隨惠風至無懷人合盛時生 游春人若在天坐聽曲情隨流水生 文生於情

有春氣興之所至無古人 情文俯仰懷遷固述作風流契老彭 流水永無風浪作春情時

以管絃和 絲竹放懷春未暮清和為氣日初長 寄興在山亭水曲懷人於日暮春初 遇

事虛懷觀一是與人和氣察羣言 與絃作契風生竹列坐為情水抱山 觀水期於無盡地

生天當是有情人 隨羣流觀極盛事欣樂歲述古初言 得趣在形骸以外娛懷於天地之

初 流水情文曲有致至人懷抱和無同 極清閒地是蘭若觀自在春於竹林 追隨永日
情殊暢坐領春風氣不羣 坐隨蘭若幽懷暢游及竹林躁氣清 靜坐不虛蘭室趣清游自
帶竹林風 隨所遇時將靜悟老於文者不陳言 得山水樂寄懷抱於古今文觀異同 放
水流長觀其曲為文氣盛集於虛 虛懷視水人咸悟和氣為春天與游 將合萬類為一己
每以內觀當外游 知足一生得自在靜觀萬類無人為 大文間世有述作至樂在人無古
今 山水之間有清契林亭以外無世情 虛竹幽蘭生靜氣和風朗月喻天懷 羣然和者
幽蘭曲快哉當之修竹風 古與為懷稽作者興隨所引契天然 風人所詠託於古靜者之
懷和若春 清風有信隨蘭得激水為湍抱水流 室因抱水隨其曲竹為觀山不放長 亭
間流水自今古竹外春山時有無 山有此生未能至竹為一日不可無 八言云畢生所長
豈在集古間情自託亦不猶人 不次之遷人同品峻及時為惠情與春長 今古畢陳趣生
一室人天興感文可萬言 誕妄不生虛無視事幽閒自得清靜為修 林氣映天竹陰在地
日長似歲水靜於人 小有清閒抱絃懷古隨其時地修己觀人 清氣若蘭虛懷當竹樂情
在水靜氣同山 春水初生係懷左右清風惠及感領情文 九言云今文與古文期其一是
無極為太極化可萬殊

近吾鄉鄭雲麓觀察

開禧

有知足齋集禊序楹帖一帙刻於粵東董琴南為之序亦集帖中字

所稱既極自然又有生趣者信不虛也茲擇其尤佳者錄之云生當稽古右文日老作觀山樂水人 人品清於在山水天懷暢若當風蘭 世間清品至蘭極賢者處懷與竹同 時契幽懷同靜氣因觀流水悟文情 有時自向竹間坐無事一至蘭若游 為人不外修齊事所樂自在山水間 隨時靜錄古今事盡日放懷天地間 修己可知有樂地作文自合會陳言 作文每期於古合寄懷時或與天遊 萬類靜觀咸自得一春幽興少人知 世情豈盡能相合賢者所為固自殊 人品若山極崇峻情懷與水同清幽 大賢自合為九列清風可以流 萬年 信之為言有諸己文亦不外生於情 盡日山游得風趣一生浪迹契天隨 老可情懷常作竹少文樂事在游山 述古期同彭不作臨風若遇惠之和 昔時嘗品惠山水異日期為少室游 自古在昔有述作當今之世咸清賢 懷仁聖教序本集右軍遺字而成近復有集序中字作楹帖者古雅可喜 五言云鹿門多大隱花洞有長春 雲霞生異彩山水有清音 波綠生春早雲歸注雨遲 有雨雲生石無風葉滿山 七言云黃昏花影二分月細雨春林一半烟 明月不離光宅寺清風常渡出山鐘 清華詞作雲霞彩典重文成金石聲 勝地花開香雪海妙林經說大羅天 一藏梵聲濤在口滿林花影月苞山 九萬里風斯在下八千年木自為春 天機清曠長生海心地光明不夜燈 承恩湛露三春重被體香羅九夏輕 機雲才學有天趣王謝風流本性成 法雨

慈雲窺色相清池明月露禪心 萬里波濤歸海國一山花木作香城 座攬清輝萬川月胸
涵和氣四時春 八體六書生奧妙五山十水見精神 松濤在耳聲彌靜山色照人清不還
紫薇華省承綸誥金粟香風舞綵衣 書成花露朝分潔悟對松風月共幽 珠林墨妙三
唐字金匱文高二漢風 謝傳心情託山水子瞻風骨是神仙 燈火夜深書有味墨花晨湛
字生光

歐陽率更書醴泉銘字最方整臨作楹帖尤宜有集字成聯者七言云月沼觀心清若鏡雲房
養氣潤於珠 德取延和謙則吉功資養性壽而安 西清恩挹三霄露東觀文成五色雲

一室圖書自清潔百家文史足風流 巖前鍊石雲為質檻外流泉月有聲 為學深知書有


味觀心澄覺寶生光 功深書味常流露學成謙光更吉祥 八言云氣淑年和羣生成集冰

凝鏡澈百姓為心 良玉潤珠精神流照吉金樂石左右交輝 甘露卿雲於斯為瑞珠輝玉

照蓋代之華 瓊質金相當時之寶頌經風緯冠世而華近張澣山方伯 岳崧 集字書聯見贈

云鳳質龍文光華相映景風淑氣仁壽同登

室臨春水幽懷朗坐對賢人躁氣無此姚姬傳先生 鼎 集契帖字聯以贈羅子信太史者



楹聯叢話卷之十二

福州梁章鉅輯

雜綴 諧語附

朱竹垞先生在京師除夕署門聯云且將醕酌酬佳節未有涓埃答 聖朝脫盡名士習氣而未嘗不傳誦於時所謂言以人重也又罷官後集句為門聯云 聖朝無棄物餘事作詩人其實詩人二字尚不足以盡先生耳

彭文勤公自書京邸春聯云門心皆水物我同春日下士大夫頗以出語為話柄不過以門心二字強捏耳然古人此等句法甚多唐賈島題長江廳詩有言心俱好靜之句意境正與相似則用之楹帖有何不可況對句甚渾成乎後汪銳齋儀曹德鉞仿其意云臣心如水王道猶龍

則青出於藍而不能青於藍矣

京師官宅所製春聯每喜以本歲干支分冠於首如乙未云乙近杏花袍曳紫未勻柳色綬拖黃丁酉云丁歲觀光慙國士酉山探秘識奇書皆有湊泊痕迹莫如戊寅歲一聯云吉日維戊太歲在寅為自然也

畫舫錄云岳大將軍鍾琪以名將兼通文墨嘗訪舊好蜀僧大岳於揚州樂善庵即席贈以聯句云有月即登臺無論春秋冬夏是風皆入座不分南北東西庵即譯經臺舊址也或以此聯

為李笠翁所撰

英煦齋師曰余未諳習內典臨摹古人所寫佛經偶有會心如比邱尼豈非尊我孔子乎居馬
蘭峪工次時工人於舊寺中添建三教聖人殿求作聯語遂書與之云西域談經心仰尼山思
竊比東周問禮語傳柱史戒深藏

吾鄉林樾亭先生喬蔭湛深經史之學復工駢儷之文有壽其妙夫李志漢封翁一聯云寶樹
蔚彤雲知諸出有陽元望他日成吾宅相華堂盈紫氣滌厥初於聃耳喜長生本自家傳封翁
為李研雲鴻瑞之父蘭卿都轉之祖宅相信不虛矣

王夢樓先生贈蔣心餘聯云前輩典型秀才風味華嵩品格江海文章汪劍潭端光亦有贈聯
云沽酒近交鄉父老解衣平揖漢公卿

阮梅叔亨為芸臺先生介弟文采風流不愧難弟之目曾撰瀛舟筆談十二卷皆雜紀先生撫
浙時事也洪稚存先生亮吉於嘉慶戊辰八月十三日游曲江亭始與定交用篆書楹帖贈之
云第五之名齊票騎十三此夜訂心交梅叔甚喜即附記於瀛舟筆談中

張南山松軒隨筆云高要莫善齋廣文元伯以學行聞於時馮魚山先生敏昌贈以楹帖云奉
母孝經看在手教兒文選讀從頭

吳興包果峰敬堂有著作才阮芸臺先生最賞異之嘗贈聯云吳興山水古來清遠包咸論語

今尚流傳

李松雲先生少年科第後頗偃蹇年六十時猶官成都知府自壽聯云三館六曹十七科競稱前輩一官萬里二千石遂老斯人

秋雨菴隨筆云子建之才八斗我得一斗天下共分一斗以斗論才奇矣有曹姓人為彭澤令其友人贈一聯云二分山色三分水五斗功名八斗才運典恰切

蘭州府城西火祖廟元宵燈火最盛余曾於公餘往觀記得吳信辰一聯云鑽燧木先春食德飲和且自披星朝赤帝觀燈天不夜衢歌巷舞何妨捧日待黃人

王孚遠方伯述為滇臬時每赴城外監視行刑必就其地關廟行香此廟僻在郊坳且非有行刑事直為人跡所不到寺僧乞製廟聯因以意撰句云度一切衆生於夢幻後存千秋大義在天壤間可謂不即不離又言浙江桃花嶺有關廟縉雲程教諭文淦撰聯云當時諸葛大名荒

祠古柏嗟回首萬牛何如漢壽亭垂徧開蘭若此地洞天小有絕壁修篁肅臨風千毒蘇休比武陵源藐空說桃花據云此聯在浙東頗膾炙於人口然上聯無端壓倒諸葛公已屬無謂下聯祇敷衍得桃花二字實非佳構也

西湖詩僧小顛有萬峰山房稿預為涅槃塔院嘗於所居榜一聯云老屋將傾只管淹留何日去新居未卜不妨小住幾時來

張南山為余述武后廟聯云六宮粉黛無顏色萬國衣冠拜冕旒武后何以有廟廟亦不知在何地而聯語則亦莊亦諧精切不易矣

李笠翁云李申玉廣文家有聲樂余贈之聯云門多桃李案少簿書別官恐無此樂前列生徒後盈絲竹今時復有其人又申玉之內子生於元旦是日稱觴即令家姬試演新劇余亦有聯云元旦即稱觴鶴算龜齡齊讓早歲朝先試樂鶯歌燕語盡翻新

笠翁芥子園門前二柳門內二桃桃熟時人多竊取因戲書一聯於戶云二柳當門家計遜陶潛之半雙桃鑰戶人謀慮方朔之三人以為謔而不虐又題歌臺云休縈俗事催霜鬢且製新歌付雪兒又題大門云孫楚樓邊觴月地孝侯臺畔讀書人孫楚酒樓為白門古蹟太白觴月於此周處讀書臺則與芥子園適相鄰也

賈膠侯中丞有大園亭棄而不居改為鄉館凡山右名賢之客都門者皆得寓焉李笠翁贈之聯云未聞安石棄東山公能不有斯園賢於古人遠矣漫說少陵開廣廈彼僅空懷此願較之今日何如

柯岍初居臺諫幾二十年李笠翁贈聯云諫垣彌久望彌尊看此際三公都是當年等輩封事愈多功愈懋卜將來一擢盡補往日淹留

笠翁有除夕贈程蕉鹿文宗一聯云世間桃李盡出公門何須臘盡始芳菲滿眼無非春色天

下魚龍都歸學海不待時來方變化啟口即是雷聲

嘗見劉文清公書楹帖云鏡裏有梅新晉馬釜中無藥舊唐雞不知所謂或云是錢東澗句

隨園詩話補遺云對聯之佳者或題禪堂云無法向人說將心替汝安佛座云大護法不見僧

過善知識能調物情題虎邱畫春冊店門云一陰一陽之謂道此時此際難為情題戲臺後云

做戲何如看戲樂下場更比上場難或見贈云天上何曾有山水人間樂得做神仙

秦澗泉學士請假南歸卜居於武定橋畔相傳為前明何尚書汝寵故宅取六一瞻望玉堂如

在天上之意名其園曰瞻園園中有東山樓自為聯云辛勤有此廬抽身歸矣喜鳥啼花笑三

徑常開好領取竹簟清風茆檐暖日蕭閒無箇事閉戶恬然對茶熟香溫一編獨抱最難忘別

來舊雨經過名山

江甯董觀橋制府教增督閩浙時愛西湖山水之勝買宅於杭城之三撥營擬解組後作平泉

之墅榜其門云 聖代即今多雨露故鄉無此好湖山妙偶天然人多誦之後制府未及 予

告而已歸道山矣

京中宣武門外之方壺齋本戲園今改為官宅余叔父太常公首賃居之公出視學廣西余妹

婿龔小峰豐穀居之獻歲自題門聯云家傳渤海箕裘遠春到方壺雨露新一切姓一切地李

芝齡宗昉亟稱之

費西塘京兆錫章以召試舉人歷登清要中年興高米烈晚乃漸識夷塗嘗於書室中自撰

一聯云酒闌興倦事往情遷祇不忘遊過名山別來舊雨此與秦澗泉學士語相同近吳山尊自撰聯句亦用之或皆襲學士語耳

春去仍歸人老難復更休說殿前起草海外題詩蓋京兆久為軍機章京以才望著名及居諫

垣又曾奉

命充冊封琉球使者也

秋雨菴隨筆云葛秋生慶曾齋中懸一聯云書似青山常亂疊燈如紅豆最相思語極清新青

山句秋生自擬紅豆句則許滇生太史乃普所對也

宣武門外上斜街趙象菴舍人家菊花最盛自號菊隱花時過客如織聞其初未著名時來觀

者率不通謁亦不問主人為誰一日劉金門先生同京朝官借其園亭賞菊酒闌主人出素紙

求先生楹帖且乞新製問主人有何好答云無他好惟愛菊如性命耳先生信手書云祇以菊

花為性命而未有對語復問主人何姓答云姓趙乃一揮而就云本來松雪是神仙一座歎其

工敏

秋雨菴隨筆云伊犁有過復亭蓋為謫官而設劉金門宮保過之題一聯云過也如日月之食

焉復其見天地之心乎運用成語天造地設

有以義園求劉金門先生撰聯者先生集四書云逝者如斯夫掩之誠是也確切不移吾鄉福

州會館屋後有野地一區自前明即立義園每春秋兩祭同鄉之在京師者咸集聞鄉老言舊
有小亭前明葉文忠公有聯云滿眼蓬蒿游子淚一盂麥飯故鄉情悽婉動人自余入京師則
亭久圯聯亦不存矣

余偶見一雜髮店中懸整容堂扁旁有聯云雖然毫末技藝却是頂上工夫雖巧而不傷纖又
桃符綴語中載一聯云不教白髮催人老更喜春風滿面生又秋雨卷隨筆中載一聯云到來
盡是彈冠客此去應無搔首人皆頗自然又牙行市肆通用聯云其交以道其接以禮同聲相
應同氣相求亦頗撲不破語也

大路邊茶亭或題一聯於柱云四大皆空坐片刻無分爾我兩頭是路喫一盞各自東西淺語
頗有禪理又杭州湧金門外瀟香居茶室聯云欲把西湖比西子從來佳茗似佳人集蘇句恰
切可入西湖志餘

鄭板橋六十自壽聯句云常如作客何問康寧但使囊有餘錢甕有餘釀釜有餘糧取數葉賞
心舊紙放浪吟哦興要闌皮要頑五官靈動勝十官過到六旬猶少定欲成仙空生煩惱祇令
耳無俗聲眼無俗物胸無俗事將幾枝隨意新花縱橫穿插睡得遲起得早一日清閒似兩日
算來百歲已多

板橋解組歸田日有李嘯村者贈之以聯板橋方宴客曰嘯村韻士必有佳語先觀其出聯云

三絕詩書畫板橋曰此難對昔契丹使者以三才天地人屬語東坡對以四詩風雅頌稱為絕對吾輩且共思之限對就而後食久之不屬啟視之則一官歸去來也咸歎其工妙

厲樊榭先生

鶚

葬於杭州西溪王家塢不久遂為榛莽後四十餘年何春渚

琪

游西溪見草堆

中有樊榭及姬人月上粟主在焉因取歸偕同人送至武林門外牙灣黃山谷祠中掃灑一室以供之按月上姓朱氏烏程人王蘭泉先生題其楹云丈室花同天女散摩圍詩共老人參見蒲褐山房詩話

有集四書語為典肆聯云以其所有易其所無四境之內萬物皆備於我或曰取之或曰無取三年無改一介不以與人亦自穩切

吳山尊有題友人某別業云淶水漾丁簾增我輩閒中風致名園依丙舍祝君家看到雲仍雖無深意而情文斐亶自足動人

聞吳山尊嘗於歲暮向孫淵如先生貸金先生方自製室內桃符謂山尊曰君能代我成一佳聯便當如所請山尊應聲曰上相教除名士氣

至尊親許讀書人蓋上句乃董文恭公勗淵如之言對句乃先生出試差復命時所親承

天語也先生喜其雅切即如所請金數與之山尊之善於譽人皆此類也

趙雨樓光祿與余同直樞地同膺察典而後余八年始出守鎮江謁余於吳門索書楹帖余戲拈宋人句贈之云醉中擲筆金鑾殿睡起鳴笳鐵甕城雨樓甚壯其語然出句有倨侮之嫌雖成語亦不敢落筆也

程春海侍郎最工作聯語余守荊州之明年即擢海鹽監司適侍郎奉使督學黔中過荆時手揮一聯見贈云南中喜得秦淮海天下願識韓荊州人皆服其工敏後余擢藩吳門侍郎主白下講席贈聯云名輩出樞垣本杜斷房謀陶甄南國鴻才領詞帖有歐書韓句濡染東吳乙未之秋余奉召復出授甘藩瀕行侍郎贈聯云霖雨東興樞密上才開遠略好風西笑湖山秀句帶邊聲次年余擢撫桂林入覲時侍郎復贈聯云洪容齋隨筆成書實著作之淵海范致能騶鸞有錄比宦游於神仙適余方以退菴隨筆呈正故出聯云爾時同覲入京者有賀耦庚中丞侍郎亦贈聯云以孝去以忠來到處蒼生望霖雨是賢臣是學者一編經世出名山蓋耦庚由江藩告養回籍此次亦奉召復出次聯謂所撰皇朝經世文鈔也

春海贈林少穆督部聯云理事若作真書絲密無間愛民如保赤子體會入微少穆最工作小楷故出聯自然關合次聯亦能酷肖其生平

龔闇齋觀察麗正七十生辰其子定菴儀部求壽聯於春海春海信筆書與之云使君政比龔渤海有子才如班孟堅余亦寄一聯云繫世紀羣交憶蘭省樞垣齊向後塵趨軌範傳家召杜

才自言言 卷一 五
譜喜皖峰澆瀆共聽兩地頌臺萊蓋觀察初由禮部入軍機於余皆為前輩而余宦江南又適
值觀察由安慶守權蘇松監司也

余福州老屋在黃卷唐校書郎黃德溫先生璞故里黃巢所稱儒者之宅相戒勿犯者也屋之
對門為酒壚憶初入宅時先叔父九山公手書杜句作門聯云座對賢人酒門聽長者車後酒
家酒漸不售遂歸咎此聯以為賢人語含譏諷公因復集杜句改署於門曰宅入先賢傳門聽
長者車乃不踰年而酒家歇業有一僮父奄有其地改換門庭後四十年余由蘇藩假歸遂卜
居焉

黃巷新宅之西有小樓余始葺而新之黃卷中以此樓為最古因即榜為黃樓集同人作詩張
之近以詩稿示余小霞為寄題一聯云白傅早歸一代福人居福地蘇公再見千秋黃卷重黃
樓

余於五十八歲引疾歸里有口號云擇里仍居黃巷宅辭官恰及白公年李蘭卿以此十四字
作分書楹聯相贈時方得文衡山芝南山閣畫卷余自書芝南山館扁於廳事蓋遇之難而退
之意並自製一聯云歷中外廿年身宜海扁舟萬頃驚濤神尚悚就高低數弓地儒宮環堵三
竿曉日夢初醒嗣於東園中葺藤花吟館又製一聯云有客醉無客睡福簡簡吁可愧長歌粗
短歌疎詩平平聊自娛此二聯頗聞於時江南僚友有以為妒者又有百一峰閣為園中最高

處余所手建並題聯云平地起樓臺恰雙塔雄標三山秀拱披襟坐霄漢看中天霞起大海瀾
回容有誦此聯決余必當復出者

百一峰閣之左有樓三楹余輯全閩詩鈔於此因以為樓額其聯則集前人句云藏名詩酒間
竹屋紙窗清不俗養拙江湖外風臺月榭悄無言樓之下為寶蘭堂因度褚蘭亭石刻於此即
集蘭亭字云隨遇自生欣暖日和風入懷抱靜觀可娛老崇蘭幽竹有情文

桂林太守興靜山以四月四日周甲初度余以聯壽之云宜民頌起延年後壽世筵開浴佛先
一切其官一切其時同人咸以為工巧蓋顏延年曾居此官聊借用二字以寓壽意尚不覺喫
力也

廣西節署之東南隅有銅鼓亭度大銅鼓一壁上嵌謝蘊山錢裴山二先生銅鼓詩石刻其上
有樓因呼為銅鼓樓地勢最高宜於登眺桂林千峰百嶂盡在眼中迄今七十餘年樓漸剝墜
樓下榛莽塞徑無過問者余莅任之明年始捐俸重修並拂拭銅鼓時幕府諸君皆能詩因共
和謝錢韻張其事僚衆亦以次繼聲遂有銅鼓聯吟集之刻樓既新僉謂宜有聯因憶前人有
集山谷東坡句云全以山川為眼界故應賓主盡詩人若移作此中聯語情景俱合矣因書而
懸之樓楹云

桂林棲霞山中有寺由寺後穿山腹可達七星巖上有碧虛亭為范石湖舊蹟亭前兩石柱刻

聯云先文穆風流宛在家學士邛壑偶然欵署范時崇蓋康熙中曾為粵西藩伯者先文穆是石湖家學士則不知所指徧詢之都人士並檢志乘中皆不得其人存以俟考

堅瓠集云泉州府學某教授南海人頗立崖岸一日設宴於明倫堂演西廂雜劇有無名子書一聯於學門云斯文不幸明倫堂上除來南海先生學校無光教授館中搬出西廂雜劇某出見之赧然自愧故態頓除以下諧語

堅瓠集又云常熟秦民悅擇以才自負居成均時為邛仲深所黜後就教職書對於明倫堂云文章高似翰林院法度嚴於按察司

又云天啟中一巡按為逆璫造生祠題楹柱云至聖至神中乾坤而立極允文允武並日月以常新有錄其詞以獻魏忠賢者忠賢讀之不解問左右何事說到黃閣老蓋黃立極者同時宰相之名也左右曰某御史與翁作對耳忠賢艷然變色曰多大御史敢與我作對趣召緹帥拘之左右為之再三解晰始喜

又云吳郡吳文之初名濟方九歲即工屬文嘗自書對聯云移門欲就山當榻補屋常愁雨溼書與同里張濟同塾讀書客聞其才出對云張吳二濟聯床讀文之應云嚴霍同光問世生客善繪事自撰句云畫草發生頃刻工夫非為雨文之應云筆花燦爛須臾造化不關春客喜即以為畫室楹聯云

又云吳門有富翁鄉居者求楊南峰書門對此翁之祖曾為人僕南峰題云家居綠水青山畔人在春風和氣中上列家人二字也見者無不匿笑

董文恭公有族人某居京師者廳事懸一舊人所書聯云賢者亦樂此卓爾末由從其字甚雄偉實之二十餘年矣一日紀文達師偶過之詫曰此聯殆不可挂也某詰其故師曰上聯首著賢字下聯首著卓字非君家遙遙兩華胄耶某始爽然撤去

京師戲園每演一劇必分開數日始了其緒蓋勾留觀者使不能中途而綴也有集聯云把往事今朝重提起破工夫明日早些來可稱工切又鄉村戲臺聯云父老閒來消白晝兒童歸去話黃昏又有集四書句云聞絃歌之聲賢者亦樂此見羽旄之美鄉人皆好之上聯謂崑腔下聯則亂彈武戲也又一聯云或為君子小人或為才子佳人登場便見有時歡天喜地有時驚天動地轉眼皆空語雖質俚亦自隱括近有集襖帖字云稽古昔畢類其人賢以生為趣由丑作託清閒咸臨此地情隨事感曲有文聽又吳立甫拔貢大本醉後為人促作戲臺聯因集句付之云古今人何處不相及天下事當作如是觀又有作戲臺後一聯云凡事莫當前看戲何如聽戲好為人須顧後上臺終有下臺時則幾於格言矣

京師慶寧園戲臺聯云大千春色在眉頭記當年翠暖珠香曾游膽部五萬鶯花如夢裏念此日丁歌甲舞重睡崑崙詞意在可解不可解間或云是此筆大抵戲臺聯莊諧並宜但忌俗耳

或集經語云治世之音安以樂君子有酒旨且多則莊重不佻用於官解尤宜也

余紫松提戎步雲曰記得 圓明園有一戲臺聯云堯舜生湯武淨五霸七雄及末耳伊尹太

公便算一隻耍手其餘拜將封侯不過搖旗納喊稱奴婢四書白六經引諸子百家雜說也杜甫李白會唱幾句亂談此外咬文嚼字大都緣街乞食鬧蓮花似此大識力大議論斷非凡手所能為或以為自 大內傳出者近之

對聯有可解頤者康熙時廣東詩僧住海珠寺交通公卿寺塑金剛與彌勒環坐對聯云莫怪和尚們這般大樣請看護法者豈是小人又揚蘭坡題倒坐觀音像云問大士緣何倒坐恨凡夫不肯回頭又江西某君題養濟院云看諸君腦滿腸肥此日共餐常住飯想一樣鐘鳴鼎食前身都是宰官身

乾隆庚子歲二藏活佛來朝供帳極盛住 雍和宮遠近僧徒參謁者日以千計活佛高坐跏趺無少動也未幾以出痘死有好事者送一輓聯云渺渺三魂活佛竟成死鬼迢迢萬里東萊不見西歸時傳為笑柄

魏善伯徵士題范觀公中丞廁聯云成文自古稱三上作賦於今過十年廁不必聯然如此雅切大方亦自可喜若一夕話所載莫道輪回輸五穀可儲筆札賦三都又但願生民無殿屎不慙宰相受堂餐又官司不令多中飽燕飲應知無後艱則又遜前語矣

繆蓮仙塗說云安徽無為州老諸生得 欽賜舉人自作一堂聯云並未出房虧得白頭髮秀士何嘗中式倒做了黑耳朶舉人蓋俗以衙門中未上名而幫差者為黑耳朶故戲用之又一廩膳生得 欽賜副榜者亦自書一堂聯云說甚功名只免得三年一考有何體面倒少了四兩八錢末句蓋言廩祿也

袁簡齋先生云或傳程魚門編修 晉芳 京中移居詩云勢家歇馬評珍玩冷客攤錢問故書予笑曰此必琉璃廠也詢之果然因記商寶意移居周蘭坡與萬晴初訪之見門對云豈有文章驚海內從無書札到公卿萬曰此必商君宅矣詢之亦果然

續消夏錄云張明經晴嵐除夕前自題門聯云三間東倒西歪屋一個千鎰百鍊人適有鍛鐵者求彭信甫書門聯信甫戲書此二句與之兩家望衡對宇見者無不失笑二人本辛酉拔貢同年頗契厚坐此竟成嫌隙所謂凡戲無益此亦一端也

魯亮儕觀察性粗豪而所居屋狹自署其門聯云兩間東倒西歪屋一個南腔北調人見茶餘客話堅瓠集載漳浦趙從誼知獨山州州城極荒涼衙署尤陋趙自題楹柱一聯云茅屋三間坐由我卧由我里長一個左是他右是他

柳南隨筆云崑山歸元恭先生狂士也家貧甚扉破至不可闔椅敗至不可移則俱以緯蕭縛之遂書一扁曰結繩而治又除夕署其門楹云一鎗戳出窮鬼去雙鉤搭進富神來其不經多

此類時人呼之為歸癡云

陳文恭續訓俗遺規內載一事云常州一老布衣平時奸狡自號清客書門對曰心中無半點事眼前有十二孫有人續寫其下云心中無半點事半生不曾完糧眼前有十二孫十個未經出痘見者絕倒

有一縣令自題其署外大門云愛民若子執法如山實非良吏也他日有無名子續寫其後成一長聯云愛民若子牛羊父母倉廩父母供為子職而已矣執法如山寶藏興焉貨財殖焉是豈山之性也哉記得宋漫堂筠廊偶筆中載一年老令君大書縣治之前曰三不要下注一不要錢二不要官三不要命次日視之則每行下各添二字不要錢下曰嫌少不要官下曰嫌小不要命下曰嫌老蓋與此同一惡謔也

有某太守清苑人曾令涇縣以貪酷聞一日晨起見廳事貼一四書集句聯云彼哉彼哉北方之學者何足算也戒之戒之南人有言曰其無後乎

前明袁擇菴子令以荊州守罷歸流寓金陵落魄不得意大書門聯云佛言不可說不可說子曰如之何如之何亦自謂以經對經也

明末有海中渠魁至普陀山設齋一月手題楹柱云自在自觀觀自在如來如見見如來其字至今猶存

公牘中字義多不可解嘉應湯滋圃游幕南陽時戲作聯云勞形於詳驗關咨移檄牒寓自在
欽蒙奉准據為承亦所謂以不解解之也

嘉慶間粵洋有巨盜郭志其名乳名郭婆帶雖剽掠為生而性頗好學舟中書籍鱗次無一不
備船頭一聯云道不行乘桴浮於海人之患東帶立於朝在洋驛騷多年官兵莫敢捕治後為
百菊溪制軍招降予以官辭不受於羊城買屋課子以布衣終

嘉慶間周蓮塘大宗伯兆基薨德州盧南石師代之時費西壩為京兆尹與周至好往弔曰一
哭而殂京師戲為周作輓聯云一品頭銜讓南石三聲腸斷失西壩

李艾塘云揚州虹橋東岫有靈土地廟其前為過街亭凡喪殯出城廟僧輒有路祭禮拜誠敬
之意如所親暱以此為終歲孟飯計惟風雪苦寒不能出戶時但於枕上聞千百人履聲及笑
語歌号不絕於耳每生寶山空回之感廟中有集聯云到處雲山到處佛當坊土地當坊靈上
語為金冬心農登嵩雜述詩句對語為鄭板橋題如皋土地廟聯句云鄉里鼓兒鄉里打當坊
土地當坊靈

青春鸚鵡楊柳樓臺司空表聖詩品句也陳曼生郡丞集二句為對云綠綺鳳凰梧桐庭院注
云張子野詞請梁山舟學士為書楹帖學士愛其工麗欣然書之後徧考子野詞並無此二句
蓋竟屬郡丞杜撰也

嘉靖末宜興大疫有二青衿俱死同上閻王殿一從東廊一從西廊各相眄以目王察其籍皆以無罪放回從東者述所見柱上聯語為天道地道人道鬼道道無窮恨不見西柱對從西者述所見云胎生卵生溼生化生不生已其餘所見皆同

福州鄉俗每逢端午節既於朔日懸蒲插艾於門庭而五日午時又必用紅箋書對句貼於楹

柱謂之午時書蓋自前明已然亦桃符之別調也相傳徐振烈即徐自作門前午時書云門幸

無題午人慚不識丁曹石倉先生以此賞異之近日通行之語如海國中天節江城五月春及

保艾思君子依蒲祝聖人語尚近雅時人又有自出新製者未免纖佻其用艾旗招百福蒲劍

斬千邪及蒲帶榮封一品艾旗捷報三元舊語者蓋十家而九則墮入惡道矣

程春海侍郎在京邸續娶黃左田先生贈聯云調羹定識威姑性灑翰應增呂子書陳石士前

輩用光亦贈聯云博議書成臨月按合歡酒熟對花斟皆自謂雅切續娶時亦頗傳誦之按此

沿用俗傳東萊博議成於新娶一月事實未考也本書自序謂屏處東陽之武川里有從游者

談餘語隙波及課試之文乃取左氏書理亂得失之迹疏其說於下旬儲月積浸就篇帙云云

無一語涉及新娶者又考呂公年譜初娶韓元吉女在紹興二十七年時居信州不居東陽後

乾道三年持母喪居明招山學子有來講習者四年已成博議五年二月除服乃繼娶韓氏女

弟則是書實成於喪制中流俗所傳不足辨矣

國家圖書館



003871604

